

U mio mulinu

Accant' à lu mio giardinu,
Parlu di tant'anni fà,
Mi ricordu d'un mio mulinu
Ch'un faccia chè cantà.
U guadellu chì passava
Si piantava à chjachjarà,
Chjachjarendu l'aiutava,
L'aiutava à macinà.

U mio mulinu ! u mio mulinu !
Sappia cusì bè cantà !
È issa canzona in mè risona,
C'un mi ne possu più scurdà,
Vec'una fata tutta velata,
Per mè si mettia à ballà
Nant' à u caminu di u mio mulinu
Chì n'un cessava di cantà.

Ma lu focu a stirpatu,
E fureste di quassù ;
U guadellu s'hè siccatu
A rota n'un gira più.
U purtone hè tuttu apertu
N'un si sente più cantà,
È u mulinu desertu,
Oghje mi face pietà.

U mio mulinu ! u mio mulinu !
Cosa s'è diventatu tù ?
In li castagni sentu i to lagni
U ventu face : Uh ! Uh ! Uh !
E ogni corsu senza rimorsu
Franca lu mare è si ne v'è.
Tristu destin u mio mulinu,
Un ghjornu in terra cascherà.